

女科準繩

胎前

四之下

咳嗽 喘瘧 霍亂 泄瀉 帶下  
 大小便不通 淋 遺尿 尿血 眼目  
 臟躁 悲傷 胎自墮 胎不長 鬼胎  
 催生法 下死胎法

特	別
79	
244	
12	



明武  
244  
12

驚三

天妊娠病瘡乃夏傷於暑客於皮膚至秋而發陽盛

則熱陰盛則寒陰陽相離寒熱俱作其發晏者由風

邪客於風府循脊而下衛氣至一日一夜常大會於

風府故發日晏與早者衛氣之行風府日下一節二

十一日下至尾骶二十二日入脊內上注於伏衝之

脉其行九日出缺盆其氣既止故發更早其間日發

者風邪內搏五臟橫連募原其道遠其氣深其行遲

不能日作也妊娠而發多傷於胎薛前證因脾胃

虛弱飲食停滯或外邪所感或鬱怒傷脾或暑邪所

合前證

伏審係飲食停滯用六君子加桔梗蒼朮藿香外邪

多而飲食少用藿香正氣散雜病中風外邪少而飲食多

用人參養胃湯雜瘧勞傷元氣用補中益氣湯雜勞

若鬱怒所傷用小柴胡湯傷寒少陽病兼歸脾湯健忘若木

侮土久而不愈用六君子為主佐以安胎藥仍參三

陰三陽經而治之 一婦人因怒患瘧舉發無期久

而不已胸腹不利飲食少思吞酸吐痰用六君子加

柴胡山梔二十餘劑尋愈但晡熱少食又用四君子

加柴胡升麻為主佐以逍遙散而痊 一妊婦瘧久

不已噯氣下氣胸腹膨脹食少欲嘔便血少寐此屬

肝脾鬱怒用歸脾湯加柴胡山梔漸愈又用六君子

湯加柴胡山梔升麻而愈 一妊婦患瘧已愈但寒

熱少食頭痛晡熱內熱此脾虛血弱也用補中益氣

湯加蔓荊子頭痛頓止又用六君子湯加芎歸飲食

頓進再用逍遙散加參朮而寒熱愈

驅邪散 治妊娠停食感冷發為瘧疾

白朮 草菓仁 高良薑炒

縮砂仁 藿香葉 橘紅

白茯苓去皮各壹錢半 甘草炙伍分

右作一服水貳鍾生薑伍片紅棗壹枚煎壹鍾不

拘時服

七寶散 治男婦一切瘧疾或先寒後熱或先熱後寒或寒多熱少或熱多寒少或一日一發或一日兩三發或連日發或間日發或三四日一發不問鬼瘧食瘧不伏水土山嵐瘴氣似瘧者並皆治之

常山

厚朴

青皮

陳皮

甘艸

檳榔

草果

去皮各等分

咬咀每服半兩於未發隔夜用水酒各一盞大盞去滓露一宿再用酒水煎滓一

煎至

露一宿來日當發之早盪溫面東先服頃藥少頃再服藥滓大有神効 予嘗治一妊婦六七月患瘧先寒後熱六脉浮緊醫用柴胡桂枝無効予曰此非常山不愈衆醫難之越數日疾甚乃從予治以七寶散一服瘧黃帝問婦人重身毒之柰何岐伯曰有故無殞帝曰何謂也岐伯曰大積大聚其可犯也衰其大半而止誠審藥物之性明治瘵之方何疑攻治哉

柴胡散 治妊娠瘧疾

柴胡

貳錢

生大黃

貳錢

生黃芩

壹錢半

甘艸 壹錢

右吹咀作壹服水煎臨發日五更溫服必取利為愈如胎上逼心可服枳殼散忌油麵辛熱等物

又方

用大黃

貳兩

柴胡

壹兩

黃芩

壹兩

芍藥

壹兩

為細

末清水糊為丸如梧桐子大每服百丸臨發日五更冷湯吞下隔兩時再服伍拾丸以利為度 若

妊娠瘡疾發熱口乾渴飲無度者亦用生地黄

壹兩 黃芩 麥門冬 去心 人參 知母 各壹兩 石膏 貳兩 甘草

半兩 乾葛 壹兩 右吹咀每服伍錢入烏梅 半箇 煎服

又方

用常山 壹兩

石膏 壹兩

甘草 貳兩

黃芩 各半兩

烏梅 柒個

細切以水酒各壹椀浸一宿平旦煎至壹椀去滓分二服臨發時服

右方犯常山大黃吐下之劑若六脉浮緊有力中有頑痰積熱者用之所謂有故無殞也其他療治方法已備雜證瘧門茲不贅若熱甚恐致動胎者亦如傷寒熱病治法以白藥子伏龍肝等塗臍上下可也

霍亂

天夫飲食過度觸冒風冷陰陽不和清濁相干謂之霍亂其間或先吐或腹痛吐利是因於熱也若頭痛體疼發熱是挾風邪也若風折皮膚則氣不宣通而風熱上衝爲頭痛若風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也薛按前證若因內傷飲食外感風寒用藿香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審毋使動胎也一妊婦霍亂已止但不進飲食口內味酸泛行

消導寬中余曰此胃氣傷而虛熱也當用四君子湯  
彼不信乃服人參養胃湯嘔吐酸水其胎不安是藥  
復傷也仍與四君子湯俾煎熟令患者先嗅藥氣不  
作嘔則呷少許恐復嘔則胎為釣動也如是旬餘愈  
人參白朮散

白朮

茯苓

人參

甘草

木香

藿香

各半兩

乾薑

壹兩

為末沸湯調服貳錢吐甚者加生薑汁頻頻飲之  
人參散 治妊娠霍亂吐瀉心煩腹痛

人參

厚朴

薑製

橘紅

各貳錢

當歸

炒

乾薑

甘草

各壹錢

作一服水貳鍾薑叁片紅棗叁枚煎壹鍾服無時  
白朮散 治妊娠霍亂腹痛吐利不止

白朮

炒

益智仁

枳殼

麩炒

橘紅

各壹錢半

草豆蔻

煨去皮

良薑

炒各半兩

右為散每服叁錢水煎入薑半分去滓溫服無時  
木瓜煎 治妊娠霍亂吐瀉轉筋入腹則悶絕

吳茱萸

湯泡 柒次

生薑

切各柒錢半

木瓜

切壹兩半

一方有藜香

柒錢半

甘草

壹錢

茱萸

兩半

加紫蘇煎

右細剉水貳盞煎壹盞貳分去滓分三服熱服無時

用前  
縮脾飲 解伏熱除煩渴消暑毒止吐利霍亂之後

服熱藥太多致煩躁宜沉井水中候冷頻頻服

草果仁 肆兩

烏梅肉 叁兩

甘草 貳兩半

右咬咀每半兩水壹椀薑拾片煎捌分沉冷服

妊娠霍亂腹痛四肢冷逆汗出脉虛弱者理中湯治之

右四方內用乾薑豆蔻茱萸俱大溫之劑若發熱

煩渴脉數陽證者服之即效宜用後方

竹茹湯

嘔吐

益元散

桂苓甘露飲

冬葵子湯

並雜

泄瀉

薛米食所傷用六君加穀蘖麵食所傷用六君加麥

蘖肉食所傷用大君加山查若蕪寒熱作嘔乃肝木

侮脾土用六君加柴胡生薑蕪嘔吐腹痛手足逆冷

乃寒水侮土六君加薑桂不應用錢氏益黃散 幼科脾臟

若元氣下陷發熱作渴肢體倦怠用補中益氣湯 雜病

勞倦若泄瀉色黃乃脾土之真色用六君加木香肉果

若作嘔不食腹痛惡寒乃脾土虛寒用六君加木香

薑桂若瀉在五更侵晨飲食少思乃脾腎虛弱五更

服四神丸 瀉日間服白朮散如不應或愈而復作或



飲食少思急用八味丸補命門火以生脾土為

善 邊太常側室妊娠泄瀉自用枳朮黃連之類腹

悶吐痰發熱惡寒飲食到口即欲作嘔強匙許即吞

酸不快欲用祛痰理氣余曰此因脾胃傷而痰滯中

脘若治痰氣復傷脾胃矣遂以參朮炮薑為末丸如

黍粒不時含嚥三五丸漸加至三日後日進六君子

湯而尋愈 進士王繳徵之內懷妊泄瀉惡食作嘔

余曰脾氣傷也其夫憂之強進米飲余謂飲亦能傷

胃且不必強俟脾胃醒宿滯自化飲食自進不信別

用人參養胃湯飲之吐水酸苦又欲投降火寒藥余

曰若然則胃氣益傷也經云損其脾胃者調其飲食

適其寒溫後不藥果愈

加味理中湯

人參 白朮 白芍藥

白茯苓 乾薑 黃連

藿香葉 木香 訶子肉

肉果 甘艸各壹錢

水貳鍾生薑參片大棗貳枚煎壹鍾飢時服

餘方並詳第一卷泄瀉及雜病泄瀉門

滯下

薛治痢之法當參前篇其下黃水乃脾土虧損真色下陷也當升補中氣若黃而兼青乃肝木尅脾土宜平肝補脾若黃而兼白乃子令母虛須補脾胃若黃而兼黑是水反侮土矣必溫補脾胃若黃而兼赤乃心母益子但補中益氣若腸胃虛弱風邪客之用胃風湯或胎氣不安急補脾胃而自安矣凡安胎之藥當臨病制宜不必拘用阿膠艾葉之類 地官胡成甫之內妊娠久痢自用消導理氣之劑腹內重墜胎氣不安又用阿膠艾葉之類不應余曰腹重墜下元

氣虛也胎動不安內熱盛也遂用補中益氣湯而安  
又用六君子湯全愈 壺仙翁治湯總兵夫人妊娠  
病痢不止翁診其脉虛而滑兩關若濇此由胎氣不  
和相火炎上而有熱似痢實非也乃用黃芩白朮以  
安胎四物生地黃以調血數劑而安

當歸芍藥湯治妊娠下痢腹痛

即當歸芍藥散見前心腹痛

本治婦人胎前產後赤白痢

生薑

年少者百錢老者貳百錢取自然汁

鴨子

壹枚

右將鴨子打破傾入薑汁內攪勻煎搗分入蒲黃  
參錢再煎五七沸空心熱服立効

無妊娠下痢赤白絞刺疼痛

雞子

壹枚烏雞者佳破孔傾出清留黃用之

黃丹

壹錢入雞子殼內同

黃攪勻以厚帛糊牢搗泥固濟火上煨焙乾為細末

右每服貳錢米飲調下一服愈者是男二服愈者是女

大治妊娠素弱頻併下痢腹痛羸瘦面色痿黃不進

飲食

厚朴

壹兩半

白朮

熟地黃

川芎

白芍藥

當歸

乾薑

人參

各壹兩

訶子

叁錢

甘草

壹錢

右咬咀每服肆錢薑參片水煎

又方 治妊娠下痢腹痛小便澀

當歸

黃芪

各壹兩

糯米

壹合

右細切和勻水煎分四服

羅大寧散

治妊娠下痢赤白灰色泄瀉疼痛垂死

者

黑豆

叁拾伍粒

粟殼

貳兩半生半炒

甘艸

貳兩半生半炒

右為粗末都作一服生薑參片同煎食前服

治妊娠挾熱下痢亦治男子常痢

黃連

黃檗

各壹升

山梔仁

貳拾枚

右咬咀每服伍錢水貳盞浸一時久煮十餘沸頓

服 若嘔加陳皮

壹兩半

生薑

叁兩

黃連湯

治妊娠下痢赤白膿血不止

黃連

貳兩

厚朴

薑製

阿膠

當歸

乾薑

各壹兩半

艾葉

黃蘗

各壹兩

右為細末空心米飲調下方寸七日三服

療妊娠白膿痢腹中冷

乾薑

肆兩

赤石脂

陸兩

粳米

壹升炒黃

右用水柒升煎取貳升溫分叁服

寒

帶氣

厚朴散

治妊娠下痢黃水不絕

厚朴

薑炙 參兩

黃連

參兩

肉豆蔻

壹枚連皮用

右為麤末木煮頓服

草果飲

治妊娠臟氣本虛脾胃少弱臟腑虛滑腹

臍疼痛日夜無度

厚朴

薑製 貳兩

肉豆蔻

壹箇麵裹煨

右咬咀每服參錢薑參片水同煎

大小便不通

夫夫妊娠大小便不通由臟腑之熱所致若大腸熱則大便不通小腸熱則小便不利大小腸俱熱則大小便俱不通更推其因而藥之

**薛前證**若大腸血燥用四物湯加條芩桃仁大腸氣滯用紫蘇飲加杏仁條芩腸胃氣虛用六君子加紫蘇杏仁肝脾蘊熱用龍膽瀉肝湯心肝虛熱用加味道遙散加車前子

**亞卿**李蒲汀側室妊娠大小便不利或用降火理氣之劑元氣反虛肝脉弦急脾脉遲滯視其面色青黃不澤余曰此鬱怒所致也用加味歸脾湯為主佐

以加味道遙散而安 主政王天成之內妊娠痢疾  
愈後二便不通其家世醫自用清熱之劑未効余診  
其脉浮大而濇此氣血虛也朝用八珍湯加桃仁杏  
仁夕用加味道遙散加車前子而瘥

小品療妊娠子淋大小便並不利氣急已服豬苓散

不瘥宜服甘遂散下之

甘遂散方 用泰山赤皮甘遂 貳兩 右一味為末以

白蜜貳合和服如豆大壹粒覺心下煩得微下者

日一服下之後還服豬苓散不得下日兩服漸加

至半錢以微利為度 經心錄同○此藥太峻不可輕用

豬苓散 療妊娠小便澀痛兼治胎水

豬苓 在兩 去皮 為末白湯調方寸匕加至貳七日三夜

一二不瘥宜轉下之服前藥

葵子湯 古今錄驗 治妊娠得病六七日以上身熱入臍

大小便不利安胎除熱

葵子 貳升 滑石 肆兩 碎

右以水伍升煮取壹升去滓盡服須臾當下便愈

又方 葵子 壹合 川朴硝 貳兩 每服叁錢水煎溫服

治妊娠大小便不通心腹脹滿妨悶不欲飲食手足

煩熱

檳榔

赤茯苓

大腹皮

木通

郁李仁

北五味

桑寄生

甘草

苦梗

右為粗末每服參錢水壹盞煎至陸分溫服

治妊娠大小便不通熱閉心膈腹脇脹悶妨害飲食

大黃

木通

檳榔

枳殼

大腹子

訶子

右為末以童便壹盞蔥白二寸同煎至陸分調下

貳錢

當歸散 治胎前諸疾或因怒中氣衝子臟或衝脰

脉腹急肚脹腰腹時疼不思飲食四肢浮腫氣急

時喘大便忽難小便忽澁產門忽腫

當歸

赤茯苓

枳殼

白芍藥

川芎

川白薑

木香

粉草

右咬咀每服參大錢水壹錢半生薑參片煎至捌

分去滓無時溫服 如稟受氣弱及南人枳殼減

半如氣實及北人於內加分兩服之或連日大便

秘澁加蜜同煎

初虞世治妊娠大便秘澁方

枳殼

參兩

防風

貳兩

炙草

壹兩

右為細末沸湯點服壹貳錢空心日三

又治虛羸大便秘方

枳殼

製

阿膠

等分

右為細末煉蜜和劑杵貳參千下丸如梧子大別

研滑石末為衣溫湯下貳拾丸半日來未通再服

參拾丸止於伍拾丸

又方

車前子

壹兩

大黃

炒半兩

右為細末每服參錢空心蜜湯調下

大腹皮湯

治妊婦大小便不通

枳殼

大腹皮

赤茯苓

各壹兩

甘草

貳錢

右為末葱白湯調下貳錢

補遺局方八正散

治妊婦心經蘊熱臟腑秘結大

腸不通小便赤澀癃閉

見雜病淋

右陳良甫氏所錄諸方今並存之內甘遂朴硝非

至實用危不得已而為之不可輕用其它亦宜審

訂而用之仍味薛氏之說而參之以雜病諸方法

庶無誤也



小便不通

天妊娠小便不通爲小腸有熱傳於胞而不通耳若兼心肺氣滯則致喘急陳無擇云妊娠胎滿逼胞多致小便不利若心腎氣虛清濁相干則爲諸淋若胞系了戾小便不通名曰轉胞若胎滿尿出名曰遺尿丹轉胞病胎稟受弱者憂悶多者性急躁者食味厚者大率有之古方皆用滑利疎導藥鮮有應効因思胞爲胎所壓展在一邊胞系了戾不通耳胎若舉起懸在中央胞系得疎水道自行然胎之墜下必有其由一日吳宅寵人患此脉之兩手似齋重取則

弦左手稍和予曰此得之憂患瀦為血少氣多弦為有飲血少則胞弱而不能自舉氣多有飲中焦不清而隘則胞知所避而就下故喜墜遂以四物湯加參朮半夏陳皮生甘草生薑空心飲隨以指探喉中吐出藥汁候少頃氣定又與一貼次日亦然如是八貼而安此法果為的確恐偶中耳後有數人歷歷有效未知果何如耶仲景云婦人本肌盛頭舉身滿今反羸瘦頭舉中空減胞系了戾亦致胞轉其義未詳必有能知之者 一婦人四十一歲妊孕九箇月轉胞小便不出三日矣下急脚腫不堪存活來告急予往

視之見其形瘁脉之右瀦而左稍和此飽食而氣傷胎系弱不能自舉而下墜壓著膀胱偏在一邊氣急為其所閉所以水竅不能出也轉胞之病大率如此予遂製一方補血養氣血氣既正胎系自舉則不下墜方有安之理遂作人參當歸身尾白芍藥白朮帶白陳皮炙甘草半夏生薑煎濃湯與四貼任其叫噉至次早又與四貼藥查作一貼煎令頓飲之探喉令吐出此藥湯小便立通皆黑水後就此方加大腹皮枳殼青蔥葉縮砂仁二十貼與之以防產前後之虛果得就壽平安產後亦健 一婦人妊娠七八箇月

患小便不通百醫不能利轉加急脹診其脉細弱予  
意其血氣虛弱不然水載其胎故胎重墜下壓住膀胱  
下口因此溺不得出若服補藥并扶胎起則自下  
藥力未至愈加急滿遂令一老婦用香油塗手自產  
門入托起其胎溺出如注脹急頓解一面却以人參  
黃芪升麻大劑煮服或少有急滿仍用手托放取溺  
如此三日後胎漸起小便如故薛前證亦有脾肺  
氣虛不能下輸膀胱者亦有氣熱鬱結膀胱津液不  
利者亦有金為火爍脾土濕熱甚而不利者更當詳  
審施治 司徒李杏岡仲子室孕五月小便不利諸

藥不應余曰非八味丸不能救不信別用分利之藥  
肚腹腫脹以致不起 儒者王文遠室患此小腹腫  
脹幾至於殆用八味丸一服小便滴瀝再以前丸之  
料加車前子一劑即利肚腹頓宛而安

仲問曰婦人病飲食如故煩熱不得卧而反倚息者  
何也師曰此名轉胞不得溺也以胞系了戾故致此  
病但利小便則愈宜腎氣丸主之

拾伍丸至貳拾丸日再服 即八味丸方見雜病虛勞每以酒下

產療小便不通及胞轉桑螵蛸搗末米飲服方寸七

日三

仲妊娠有水氣重身小便不利洒淅惡寒起卽頭眩  
葵子茯苓散主之

葵子

茯苓

各參兩

右二味杵為散飲服方寸七日三服小便利則愈

妊娠小便難飲食如故歸母苦參丸主之

當歸

貝母

苦參

各參兩

右為末煉蜜丸如小豆大飲服參丸加至拾丸子男

兩石

天治妊娠卒不得小便杏仁一味去皮尖搗丸如綠

豈大燈心湯吞柴丸立利

丹朱宅婦人三十餘歲懷胎四個月大小便閉因與  
通利冬葵子等藥已通但氣未順此由性急血耗氣  
亂須和其氣滋其血乃安

陳皮

青皮

芍藥

壹錢

人參

歸身尾

川芎

地黃

白朮

茯苓

木通

甘草

貳分

獨聖散 治妊娠小便不通

右用蔓荊子為末每服貳錢食前濃煎蔥白湯調

下

淋

天妊娠小便淋者乃腎與膀胱虛熱不能制水然妊婦胞繫於腎腎間虛熱而成斯證甚者心煩悶亂名曰子淋也

**薛前證**若頸項筋攣語澹甚用羚羊角散身體痛若小便澹少淋瀝用安榮散若肝經濕熱用龍膽瀉肝湯前陰諸疾若肝經虛熱用加味逍遙散腿足轉筋而小便不利急用八味丸緩則不救若服燥劑而小便頻數或不利用生地黄茯苓牛膝黃蘗知母芍藥甘草若頻數而色黃用四物加黃蘗知母五味麥門玄參若肺氣虛而短少用補中益氣加山藥

台行淋

女科四

百六十一

麥門若陰挺痿痺而頻數用地黃丸若熱結膀胱而  
不利用五淋散林若脾肺燥不能化生宜黃芩清肺  
飲林若膀胱陰虛陽無所生用滋腎丸林若膀胱陽  
虛陰無所化用腎氣丸 一婦人每怒發熱脇脹小  
便淋瀝如遇經行旬餘未已受胎三月因怒前證復  
作朝用加味逍遙散夕用安胎飲各二劑而安五月  
又怒復下血如經行四日未止仍用前藥而愈 一  
妊娠飲食後因惱怒寒熱嘔吐頭痛惡寒胸腹脹痛  
大便不實其面青色小便頻數時或有血服安胎止  
血之劑益甚余曰寒熱嘔吐而腹脹此肝木尅脾土  
而元氣傷也大便秘不實而面青此飲食傷脾兼肝侮  
土也小便頻數而有血此肝熱傳胞而兼挺痿也用  
六君子加枳殼紫蘇山梔二劑脾胃頓醒又用加味  
逍遙散加紫蘇枳殼二劑小便頓清後節飲食調理  
而安

地膚大黃湯

外臺

療妊娠子淋宜下

川大黃

地膚草

各參兩

知母

黃芩

豬苓

赤芍藥

通艸

川升麻

枳實

甘草

各貳兩

用前  
右咬咀每服肆錢水壹盞煎柴分去滓温服

療妊娠患淋小便澁不利小腹水道熱痛

冬葵子升芍藥貳兩黃芩

赤茯苓兩車前子各參

右咬咀以水柒升煎至貳升温分三服

療妊娠數月小便淋瀝疼痛心煩悶亂不思飲食

瞿麥穗兩赤茯苓兩桑白皮

木通兩葵子各壹黃芩

芍藥兩枳殼兩車前子各參

右為粗末每服肆錢水壹盞煎至陸分温服

安樂散 治妊娠小便澁少遂成淋瀝

麥門冬去心通草兩滑石

人參兩細辛各貳當歸去蘆

燈草兩甘艸各半酒浸

右為細末每服貳錢不拘時麥門煎湯調服

大腹皮散 治妊娠大小便赤澀

大腹皮兩枳殼去白甘艸各壹

赤茯苓去皮

右為細末每服貳錢不拘時濃煎蔥白湯調下

經心錄療妊娠患子淋小便數出少或熱疼痛及子

煩

地膚子 參兩

右細切水肆升煮取貳升半去滓分三服日三服

補遺治胎前諸般淋瀝小便不通

檳榔 赤芍藥各等分

右劉每服伍錢米煎溫服甚效

豬苓散 療妊娠子淋小便澀痛 方見前六小便不通

遺尿

薛若脬中有熱宜用加味道遙散若脾肺氣虛宜用

補中益氣湯加益智若肝腎陰虛宜用六味丸

一妊婦遺尿內熱肝脉洪數按之微弱或兩太陽作痛

脇肋作脹余以為肝火血虛用加味道遙散六味地

黃丸尋愈後又寒熱或發熱或恚怒前證仍作用八

珍散道遙散兼服以清肝火養肝血而痊

白薇散 療妊娠胎滿不知小便出時 見前三卷遺尿

桑螵蛸散 治妊娠小便不禁

桑螵蛸 貳枚 炙黃



右為細末每服貳錢空心米飲調下  
又方 益智仁為末米飲下亦効

尿血

大妊婦勞傷經絡有熱在內熱乘於血血得熱則流  
溢滲入脬故令尿血也 薛前證因怒動火者宜小  
柴胡湯加山梔因勞動火者宜用補中益氣湯若因  
厚味積熱宜用清胃散雜病加犀角連翹甘草若因  
肝經血熱宜用加味道遙散若因脾氣下陷宜用補  
中益氣湯若因脾虛血熱宜用加味道遙散 一妊  
婦因怒尿血內熱作渴寒熱往來胸乳間作脹飲食  
少思肝脉弦弱此肝經血虛而熱也用加味道遙散  
六味地黄丸兼服漸愈又用八珍湯加柴胡丹皮山

梔而痊

千金療妊娠卒下血及子淋方

葵子 壹升研

右以水五升煮取貳升分温三服

又方 生艾葉 壹斤研冬用乾者亦得

右以酒伍升煮取貳升分三服

又方 生地黄 壹升切

右以酒四升煮取貳升分温三服亦療落身後血

續斷湯 治妊娠下血及尿血

當歸

生地黄 各壹兩

續斷 半兩

赤芍藥 貳錢半

右為末空心蔥白煎湯調下貳錢

療妊娠尿血方

阿膠

熟地黄 各等分

右為細末空心粥飲調下貳錢

補遺薑蜜湯 治妊娠小便尿血

生薑 柒片

蜜 半匙

白茅根 壹握

右入水濃煎服

五苓散去桂加阿膠 炒 同為粗末每服肆錢用車前

子白茅根濃煎温服

胎前  
又方 白茅根濃煎湯吞酒蒸黃連丸

眼目

一婦將臨月忽然兩目失明不見燈火頭痛眩暈項  
腮腫滿不能轉頸諸治不瘥反加危困偶得消風散  
服之病減七八獲安分娩其眼弔起人物不辨乃以  
四物湯加荆芥防風更服眼科天門冬飲子二方間  
服目漸稍明大忌酒麵煎炙鷄羊鵝鴨豆腐辛辣熱  
物并房勞此證因懷妊多居火間衣著太煖伏熱在  
內或酒麵炙煨太過以致胎熱也

天門冬飲子 治妊娠肝經風熱上攻眼目帶弔失  
明

婦科四  
百九

天門冬

去心

知母

羌蔚子

五味子

防風

去蘆

茯苓

去皮

川羌活

去蘆

人參

各壹錢

石作一服水貳鍾生薑叁片煎至壹鍾食後服

臟躁悲傷

陳良甫記管先生治一妊娠四五箇月臟躁悲傷遇晝則慘慄淚下數欠象若神靈如有所憑醫與巫皆無益與仲景大棗湯一投而愈薛前證或因寒水攻心或肺有風邪者治當審察一妊婦無故自悲用大棗湯二劑而愈後復患又用前湯佐以四君子加山梔而安一妊婦悲哀煩躁其夫詢之云我無故但自欲悲耳用淡竹茹湯為主佐以八珍湯而安仲景婦人臟躁悲傷欲哭象如神靈所作數欠仲甘麥大棗湯主之

胎前臟躁悲傷

百三

甘麥大棗湯方

甘艸 參兩

小麥 壹升

大棗 拾枚

右以水陸升煮取參升溫分三服亦補脾氣

許學士云鄉里有一婦人數次無故悲泣不止或謂之有祟祈禳請禱備至終不應予忽憶金匱有一證云婦人臟躁悲傷欲哭象如神靈數欠伸者宜甘麥大棗湯予急令治藥盡劑而愈古人識病制方種種絕妙如此

淡竹茹湯 治妊婦心虛驚悸臟躁悲傷不止又治虛煩甚効

麥門冬 去心

小麥

半夏

湯泡各貳兩半

人參

白茯苓

各壹兩半

甘草

右剉散每服肆錢薑五片棗壹枚淡竹如壹團如指大同煎溫服

又方 治胎臟躁自悲自哭自笑

右以紅棗燒存性米飲調下

妊病可下胎斷胎

大全妊娠羸瘦或挾疾病臟腑虛損氣血枯竭既不能養胎致胎動而不堅固終不能安者則可下之免害妊婦也 薛前證宜用腰腹背痛門方論主之其胎果不能安者方可議下慎之慎之 鴻臚張淑人痢疾後胎動心神不安肢體殊倦用八珍散二十餘劑漸愈因勞加煩熱頭痛以大劑補中益氣湯加蔓荊子治之熱痛頓止仍用前散又五十餘劑而安其後生產甚易 今大中丞許少薇公向令金壇時夫人胎漏療治不止時迫於上計公欲因其勢遂下之

丹前 婦科四 卷五  
謀於余余第令服佛手散以為可安即安不可安即下順其自然而已既數服公憂疑不決女科醫者檢方以進乃用牛膝壹兩酒煎服謂牛膝固補下部藥耳用之何害公遂信而服之而胎果下余時有從母之戚未及知比知而馳至則聞盈庭皆桂麝氣蓋因胞衣未下許醫又進香桂散矣血遂暴下如大河決不可復止亟煎獨參湯未成而卒公哀傷甫定而過余謝且諭余曰牛膝補藥而能墮胎何也余對曰生則宣而熟則補故破血之與填精如箭鋒相拄豈獨牛膝哉鹿角亦墮胎破血而煎為白膠則安胎止血因其熟而信其生此之謂粗工公歎恨無已余故特著之以為世戒

大全治妊娠母因疾病胎不能安可下之取七月七

日法麪大全作麪肆兩水貳大盞煎取壹盞參分綿濾去

滓分溫三服立下 又方大麪伍升清酒壹斗煮二

沸去渣分五服隔宿勿食但再服其子如糜母無疾

苦千佳不傳妙 又方麥蘗壹升為末和水煮貳升服之

即下神效 又方附子貳枚為末以淳苦酒和塗右足去

之大良 又方取雞子壹枚以三指撮鹽放雞子中

服之立出

用前  
按陳良甫所列有牛膝湯桂心散諸方婁全善皆不之取而獨取此數方其見卓矣

**斷子法** 用白麵麴壹升無灰酒伍升打作糊者貳升半用絹帛濾去查作參服候前月經將來日晚下吃一服次日五更吃一服天明吃一服月經即行終身絕子

**大斷產驗方**故蠶紙方圓壹尺燒為末酒飲調服終身不復懷孕 又方用油煎水銀一日方息空心服棗核大壹丸永斷孕不損人

四物湯每服伍錢加芸薹子貳錢於經行後空心溫服

**薛前**云用蠶故紙尺許燒灰為末產後酒服之血虛者終不復孕大抵斷產之劑多用峻厲往往有不起者是則產之害未若斷產之害也吾聞閣老張羅峰太常李恒齋俱因服斷產之劑自謂形體俱怯遇勞必病有由然矣

按夷堅志載東京女子白牡丹以售墮胎藥生得惡報今雖列如上方以備萬一之用用者尚其慎之



胎自墮

丹陽施陰化胎孕乃成血氣虛損不足營養其胎自墮或勞怒傷情內火便動亦能墮胎推原其本皆因於熱火能消物造化自然病源乃謂風冷傷於子臟而墮此未得病情者也予見賈氏婦但有孕至三月左右必墮診其脉左手大而無力重取則濇知其血少也以其妙年只補中氣使血自榮時正夏初教以濃煎白朮湯下黃芩末壹錢服三四十貼遂得保全其生因而思之墮因內熱而虛者於理爲多曰熱曰虛當分輕重蓋孕至三月正屬相火所以易墮不然

何以黃芩熟艾阿膠等為安胎妙藥耶好生之工幸  
無輕視 一婦年三十餘或經住或成形未具其胎  
必墮察其性急多怒色黑氣實此相火太盛不能生  
氣化胎反食氣傷精故也因令住經第二月用黃芩  
白朮當歸甘艸服至三月盡止藥後生一子 一婦  
經住三月後尺脉或濇或微弱其婦却無病知是子  
宮真氣不全故陽不施陰不化精血雖凝終不成形  
至產血塊或產血胞 一婦腹漸大如懷子至十月  
求易產藥察其神色甚困難與之藥不數日生白蟲  
半桶蓋由婦之元氣太虛精血雖凝不能成胎而為  
穢腐蘊積之久濕化為熱濕熱生蟲理之所有亦須  
周十月之氣發動而產終非佳兆其婦不及月死濕  
熱生蟲譬之溝渠污濁積久不流則諸蟲生于其間  
矣 汪石山治一婦長瘦色黃白性躁急年三十餘  
常患墮胎已七八見矣診其脉皆柔軟無力兩尺雖  
浮而弱不任尋按曰此因胎墮太多氣血耗甚胎無  
滋養故頻墮譬之水涸而禾枯土削而木倒也况三  
月五月正屬少陽火動之時加以性躁而急發之故  
墮多在三五七月也宜大補陰湯去桂加黃檗黃芩  
煎服仍用研末蜜丸服之庶可保生服半年胎固而

生二子 錢仲陽治一孕婦病醫言胎且墮錢曰妊者五臟傳養率六旬乃更候其月偏補之何必墮已而母子皆全 陳斗崑治一婦有胎四月墮下逾旬腹腫發熱氣喘脉洪盛面赤口鼻舌青黑陳診之曰脉洪盛者胎未墮也而赤心火盛而血乾也舌青口鼻黑肝既絕而胎死矣內外皆曰胎墮久矣復診色脉如前以蛇蛻煎湯下平胃散加芒硝歸尾一倍服之須臾腹鳴如雷腰腹陣痛復一死胎隨下病亦愈 程仁甫治一婦年近四十稟氣素弱自去其胎五日內漸漸腹脹如鼓至心前上吐不能食用補藥不

効診六脉微弱但只叫脹死此乃損傷脾氣而作脹然急則治其標若泥丹溪法恐緩不及事矣用桃仁承氣加枳實厚朴倍硝黃煎服四分吐去其一次早仍不通事急又服琥珀丸三錢至申時大通脹減但體倦四肢無力口不知味發熱再用參芪歸芍查朮陳皮八劑而安 江應宿治汪鎬妻三十五歲厭產誤服打胎藥下血如崩旬餘腹痛一陣即行或時鼻衄諸藥不効診得六脉數而微弦乃厥陽之火泛逆投四物換生地黃加阿膠炒黑山梔蒲黃一劑愈 薛氏云大抵治法須審其月厲其經育養而藥之

濟生芩藟補中湯 治懷孕血氣虛弱不能衛養以

致數月而墮名曰半產 每見婦人孕不能滿十月而損墮得服此遂安

芩藟

五味子

阿膠 蛤粉炒

乾薑 炮各壹錢

黃芪 去蘆蜜炙

當歸 酒浸

白芍藥

白朮 各壹錢半

杜仲 去粗皮炒去絲

人參

木香 不見火

甘州 各伍分炙

右作一服水貳鍾煎至壹鍾不拘時服

阿膠湯 治妊娠數墮胎小腹疼 忍

阿膠 炙燥

熟乾地黄 焙

艾葉 微炒

芩藟

當歸 切焙

杜仲 去粗皮炙

白朮 各壹兩

右咬咀每服肆錢水壹盞半棗叁枚擘破同煎至

捌分去滓食前溫服

杜仲丸 治妊娠三兩箇月胎動不安防其欲墮宜

預服之

杜仲 薑製炒去絲

續斷 酒浸各貳兩

為末煮棗肉杵丸梧子大每服柒拾丸米飲下

四製艾附丸 治婦人數墮胎由氣不升降所以胎

氣不固尤宜服此

香附

杵去毛淨壹斤分四分一分酒浸一分醋一分童便一分鹽水各浸七日取出焙乾

治前胎自墮

女科四

白朮

為細末醋煮糊和丸梧子大每服柒拾丸空心温酒下肥人只依本方瘦人加澤蘭葉赤茯苓各貳兩

一方用香附子壹斤艾葉肆兩當歸貳兩俱用醋煮

刪繁方 治妊娠懷胎數落而不結實或冷或熱百

病之源經心錄同

甘草

黃芪

人參

川芎

白朮

地黃

吳茱萸各等分○一方有當歸乾薑

右為末空心温酒調貳錢忌松菜桃李肉醋物婁按丹溪論俱是虛熱而無寒者今姑存此一方

以俟施之于千百而一者也

醋附丸 治數墮胎方見血崩

千金療妊娠三箇月胎欲墮方 灸膝下壹寸柒壯

妊子不成時時 胎後漏下五色疼痛灸胞門關門左邊

二寸名胞門右邊二寸名子戶

胎墮後為半產 夫妊娠日月未足胎氣未全而產者

謂之半產蓋由妊婦衝任氣虛不能滋養於胎胎氣

不固或顛撲閃墜致氣血損動或因熱病温瘧之類

皆令半產仲景謂寒虛相搏此名為革婦人則半產

漏下是也 又云半產俗呼小產或三四月或五六

月皆爲半產以男女成形故也或因憂恐悲哀暴怒或因勞力打撲損動或觸冒暑熱忌黑神散恐犯熱藥轉生他疾宜玉燭散和經湯之類便產須知云小產不可輕視將養十倍於正產可也又云半產卽肌肉腐爛補其虛損生其肌肉益其氣血去其風邪養其臟氣將養過於正產十倍無不平復宜審之  
薛  
小產重於大產蓋大產如栗熟自脫小產如生採破其皮殼斷其根蒂也但人輕忽致死者多治法宜補形氣生新血去瘀血若未足月痛而欲產芎歸補中湯倍加知母止之若產而血不止人參黃芪湯補之若產而心腹痛當歸川芎湯主之胎氣弱而小產者八珍湯固之若出血過多而發熱聖愈湯汗不止急用獨參湯發熱煩躁肉瞤筋惕八珍湯大渴面赤脈洪而虛當歸補血湯身熱面赤脈沉而微四君薑附東垣云晝發熱而夜安靜是陽氣自旺於陽分也晝安靜而夜發熱是陽氣下陷於陰中也如晝夜俱發熱者是重陽無陰也當峻補其陰王太僕云如大寒而甚熱之不熱是無火也熱來復去晝見夜伏夜發晝止時節而動是無火也如大熱而甚寒之不寒是無水也熱動復止倏忽往來時動時止是無水也若

陽氣自旺者補中益氣湯陽氣陷於陰者四物二連  
湯重陽無陰者四物湯無火者八味丸無水者六味  
丸 一妊婦五月服剪紅丸墮胎腹中脹痛服破血  
藥益甚手按之愈痛余曰此峻藥重傷脾胃受患用  
八珍倍參芪半夏乳沒二劑痛止數劑全愈 史仲  
子室年甫二十疫胎墮時咳服清肺解表喘急不寐  
請視余曰脾土虛不能生肺金藥重損之與補中益  
氣加茯苓半夏五味炮薑四劑漸愈再往視又與八  
珍加五味及十全大補湯而全愈 陳氏婦張素怯  
弱生女自乳因病疥年餘遂致羸困復因執喪禮勞

頓數欲眩什一日感氣忽患心脾高腫作疼手不可  
按嘔吐不止六脉微細之極陳翁自以脉雖虛而病  
形則實誤臆諸痛不可補氣乃用青皮香附吳萸等  
藥而愈繼復患瘧且墮胎又自投理氣行血之藥病  
去元氣轉脫再投參芪補劑不應矣六脉如絲欲絕  
思非附子不能起因亟請薛診之云此由理氣損真  
之誤也連投參芪歸朮附子薑桂六劑間用八味丸  
五日眠食漸甘六脉全復薛諭之云向使心脾疼時  
卽服此藥瘧亦不作矣 一妊婦墮胎昏憤不省自  
汗發搐時吐痰自用養血化痰之劑昏憤不省痰涎

湧出彼以為中風欲用祛風化痰予曰此屬脾氣虛寒所致遂用十全大補加炮薑二十餘劑尋愈

生地黃湯 治妊娠胎氣損動氣血不調或癩撲閃墜以致胎墮墮後惡滯不盡腹中疝痛

生乾地黃

焙壹兩

大黃

暴煨

芍藥

白茯苓

去黑皮

當歸

切炒

細辛

去苗

甘草

炙

黃芩

去黑皮

桂

去粗皮各半兩

右咬咀每服伍錢匕水壹盞半入生薑大棗拍碎同煎至壹盞去滓不拘時溫服

人參湯 治半產後血下過多心驚體顫頭目運轉

或寒或熱臍腹虛脹疼痛

人參

麥門冬

去心焙

生乾地黃

焙

當歸

洗焙

芍藥

黃芪

白茯苓

去皮

甘艸

炙各壹兩

天墮胎後復損經脉而下血不止甚則煩悶至死皆

以調補胃氣為主 薛前證若肝經血熱用四物參

朮山梔肝經風熱用防風黃芩丸肝經怒火用加味

逍遙散脾經氣虛用四君歸地脾經鬱滯用加味歸

脾湯氣滯不和用紫蘇飲胃氣下陷用補中益氣湯

血下不止



人參黃芪湯 治小產氣虛血下不止

人參

黃芪炒

當歸

白朮炒

白芍藥炒

艾葉各壹錢

阿膠炒貳錢

右作一劑水煎服

治妊娠損動下血不止腹痛宜服此

阿膠壹兩

炒

艾葉半兩

水壹大盞煎六分去滓空心服

治妊娠損動下血不止方

甘草壹兩

炙

阿膠貳兩

雞子壹個

右以水貳大盞煮甘草

壹盞參分去滓下雞子膠候膠烱攪勻分三服

龍骨散

療因損娠下惡血不止

龍骨

當歸

地黃各貳兩

艾葉壹兩

炒

地榆

阿膠

芍藥

乾薑各壹兩半

蒲黃壹兩貳錢半

牛角鯁各壹兩半

共為細末

右食前用米飲調下貳錢

千金療落胎下血不止方

右以生地黃汁壹小盞調代赭石末壹錢日三服

治妊娠下血不止疼痛方亦治小便不禁

家雞翎燒灰

細研以温酒調下貳錢如人行五

里再服以効為度

千金療妊娠胎墮下血不止方

以丹參拾貳兩細切酒五升煮取參升分三服  
補遺催生如神散妙

又方 香附子為末米飲調下

當歸酒 治妊娠墮胎後血不出

當歸多令香芍藥炒各貳兩

咬咀每服參錢七無灰酒壹盞入生地黃汁壹合

銀器內慢火煎至柴分去滓溫服以惡血下為度

烏金散 治妊娠墮胎後惡血不下兼治諸疾血病

好墨貳兩折貳寸挺子燒通赤用好醋壹升

沒藥研麒麟竭各貳錢半麝香壹錢

右為細末每服溫酒調下壹錢匕如血迷心用童  
便加酒調下貳錢匕

治妊娠墮胎後血不出少腹滿痛

用羚羊角燒灰細研如麵每服參錢不拘時以豆

淋酒調下

治妊娠墮胎下血不盡苦煩滿欲極時發寒熱狂悶

鹿角屑壹兩熬右用水壹大盞煎或壹合取

汁陸分分三服調鹿角屑貳錢服日三須臾血下

紅藍花散 治墮胎後血不出奔心悶絕不識人

紅藍微熬過男子髮燒存性京墨燒紅

血竭研

蒲黃隔紙炒 各等分

右為細末以童便小半盞調貳錢服之立効

白蜜湯 治墮胎後惡血不出

白蜜貳兩

生地黄取汁 壹盞

酒半盞

右汁與酒共入銅器中煎五七沸入蜜攪勻分兩服服三劑百病可愈

豬膏飲 治墮胎血不出上搶心疼痛煩憤

豬膏未合

白蜜叁合

生地黄切貳兩

右先將豬膏地黄相和煎令赤色去地黄內蜜攪勻分溫二服相次再服

當歸湯 治妊娠墮胎胞衣不出

當歸切炒

牛膝酒浸切焙 各壹兩半 木通剉

滑石研各貳兩

冬葵子炒貳合

瞿麥穗壹兩

右吹咀每服參錢水壹盞半煎至柒分去滓溫服未下再服以下為度

地黄湯

蒲黃炒

生薑切炒各貳錢半

生地黄半兩以銅竹刀切炒

右以無灰酒參盞於銀器內同煎至貳盞去滓分三服未下再作服

澤蘭湯

澤蘭葉

切研

滑石末

各半

生麻油

少許

右以水參盞先煎澤蘭至壹盞半去滓入滑石末并油更煎參沸頓服之未下更服

蒲黃酒

作丸名

蒲黃

炒壹合

槐子

拾肆枚

右以酒參盞煎至貳盞去滓分溫二服未下更作服又治妊娠不足月欲產腹痛為末蜜丸酒下

治墮胎胞衣不出腹中疝痛牽引腰脊

下並聖惠

用蟻窟土參升炒熟帛裹搗心下胞自出也

又方

好墨細研末溫酒調下貳錢頻服効

治妊娠胎死腹中衣不出及產後卒有別病欲至狼

狽方

刺熟羊血飲一小盞極効

又方

以水噴其面神驗加醋少許

又方

洗兒水半盞令母服其衣即出勿令產婦知

又方

治胞衣未下腹滿則殺人

用水壹盞煮豬脂壹兩煎十數沸和脂服之當下

又方

出如宜方以雞子壹枚取清吞之

又方

出如宜方用鐵斧燒令通赤投酒中沸定則出飲之

當歸川芎湯 治小產後瘀血心腹痛或發熱惡寒

當歸

川芎

熟地黃

自製

破痛

白芍藥炒

玄胡索炒

紅花

香附

青皮炒

澤蘭

牡丹皮

莢仁各等分

右水煎入童便酒各小半盞服

若以手按腹愈痛此瘀血為患宜此藥或失笑散消之若按之不痛此是血虛宜四物參苓白朮若痛而作嘔此是胃虛宜六君子若痛而作瀉此是脾虛宜六君子送二神丸

芩藟湯

治墮胎心腹疼痛

芩藟

芍藥

白朮

阿膠

炒令燥

甘州各壹兩

右咬咀每服參錢水壹盞入艾葉糯米生薑同煎至陸分食前服 一方無白朮有人參

當歸散

治產後氣血虛弱惡露內停增寒發熱

當歸

白芍藥炒

川芎

黃芩

炒各壹兩

白朮伍錢

右為細末溫童便調下貳錢

聖愈湯

治血虛心煩睡卧不寧或五心煩熱

熟地黃

酒拌蒸半日

生地黃

酒拌

川芎

人參

各柒錢伍分

當歸

酒拌

黃芪

炒各伍錢

右水煎服

當歸補血湯

治肌熱躁熱目赤面紅煩渴引飲晝

夜不息脉洪大而虛重按全無此脉虛血虛也若誤服白虎湯必死

當歸

叁錢

黃芪

壹兩

右水煎服

四物二連湯治血虛發熱或口舌生瘡或晝安夜熱

當歸

川芎

熟地黄

芍藥

胡黃連

宣黃連

各壹錢

右作一劑水煎服

東垣云婦人分免及半產漏下昏冒不省瞑目無所知覺蓋因血暴亡有形血去則心神無所養心與包

絡者君火相火也得血則安亡血則危火上熾故令人昏冒火勝其肺瞑目不省人事是陰血暴去不能鎮撫也血已虧損往往用滑石甘草石膏之類乃辛甘大寒之藥能瀉氣中之熱是血虧瀉氣乃陰虧瀉陽使二者俱傷反為不足虛勞之病昏迷不省者上焦心肺之熱也此無形之熱用寒涼之藥驅令下行豈不知上焦之病悉屬於表乃陰證也汗之則愈今反下之幸而不死暴虧氣血必天天年又不知內經有說病氣不足宜補不宜瀉但瞑目之病悉屬於陰宜汗不宜下又不知傷寒鬱冒得汗則愈是禁用寒

胎前 女科四  
涼藥也分免半產本氣不病是暴去其血亡血補血  
又何疑焉補其血則神昌常時血下降亡今當補而  
升舉之心得血而養神不昏矣血若暴下是秋冬之  
令太旺今舉而升之助其陽則目張神不昏矣今立  
一方補血養血生血益陽以補手足厥陰之不足也  
全生活血湯

紅花

分參

蔓荊子

細辛

各伍分

生地黄

夏月加之

熟地

黃

各壹錢

藁本

川芎

各壹錢半

防風

諸陽既陷何以知之血下脫故也

羌

活

獨活

甘草

炙

柴胡

去

當歸身

酒洗

葛根

錢

白芍

升麻

各參錢

咬咀每服伍錢水貳盞煎

至豆豉蓋去滓食前稍熱服

胎不長

人夫妊娠不長者因有宿疾或因失調以致臟腑衰  
損氣血虛弱而胎不長也當治其疾疾益其氣血則  
胎自長矣 薛前證更當察其經絡審其所因而治  
之 一妊婦胎六月體倦懶食面黃晡熱而胎不長  
因勞欲墜此脾氣不足也用八珍湯倍加參朮茯苓  
三十餘劑脾胃漸健胎安而長矣 一妊婦因怒寒  
熱往來內熱晡熱脇痛嘔吐胎至八月而不長此因  
肝脾鬱怒所致用六君加柴胡山梔枳殼紫蘇桔梗  
病愈而胎亦長矣

胎前 胎不長

女科四

頁七

安胎白朮散 治妊娠宿有冷胎痿不長或失於將  
埋傷胎多墮此藥補榮衛養胎氣

白朮

川芎 各壹兩

吳茱萸 湯泡半兩

甘草 炙壹兩半

為細末每服貳錢食前溫酒調下忌生冷果實

白朮散 見前胎動不安

黃芪散 主妊娠胎不長安胎和氣思食利四肢

黃芪

白朮

陳皮

麥門冬

白茯苓

前胡

人參 各柒錢半 川芎 甘草 各半兩

右吹咀每服叁錢水壹盞薑叁片棗壹枚煎至柒分去滓溫服

人參丸 主妊娠胎不長宜服養胎

人參

白茯苓

當歸

柴胡

刺薊

厚朴

桑寄生 各壹兩 枳殼 柒錢半 甘草 半兩

右為細末煉蜜為丸如梧子大每服貳拾丸食前  
溫水吞下

集驗治婦人懷胎不長方

鯉魚 長壹尺者去腸肚鱗 以水漬沒內鹽及棗煮熟取汁稍

胎不長

五



胎前 女科四  
稍飲之當胎所腹上當汗出如牛鼻狀雖有所見  
胎雖不安者十餘日輒一作此令胎長大甚平安  
附枳實檳榔丸 安養胎氣調和經候癥瘕癖塊有  
似孕婦可以久服血氣通和

枳實

生用

檳榔

黃連

黃蘗

黃芩

當歸

木香

阿膠

灰炒研  
各半兩

右為細末水和丸如小豆大每服叁拾丸不拘時  
用温米飲送下

日月未足欲產過期不產

天全婦人懷胎有七月八月而產者有至九月十月  
而產者有經一年二年乃至四年而後產者各依後  
法治 婁先期欲產者涼血安胎 過期不產者補  
血行滯 薛一妊婦八箇月胎欲墜似產卧久少安  
日晡益甚此氣血虛弱朝用補中益氣湯加茯苓半  
夏隨愈更以八珍湯調理而安  
集驗知母丸 治日月未足而痛如欲產者兼治產  
難及子煩

知母

不以  
多為

為細末煉蜜丸如雞頭大温酒嚙下

日三服

一方丸如梧子大粥飲下貳拾丸

槐子丸 治妊娠月數未足而似欲產腹痛者

槐子

蒲黃 各等分

右為細末蜜丸如梧子大温酒下貳拾丸以痛止

為度

又方 取蒲黃如棗核大篩過以井花水調服

又方 梁上塵竈突煤同為末空心温酒服方寸匕

于治日月未足欲產搗菖蒲根汁壹貳升灌喉中

繼治過期不產方 四物湯加香附朮仁枳殼縮砂

紫蘇水煎服即生

### 鬼胎

大全夫人臟腑調和則血氣充實風邪鬼魅不能干

之若榮衛虛損則精神衰弱妖魅鬼精得入於臟狀

如懷娠故曰鬼胎也 薛前證因七情脾肺虧損氣

血虛弱行失常道衝任乖違而致之者乃元氣不足

病氣有餘也若見經候不調就行調補庶免此證治

法以補元氣為主而佐以雄黃丸之類行散之若脾

經鬱結氣逆者用加味歸脾湯調補之若脾虛血不

足者用六君芍歸培養之肝火血耗者用加味道遙

散滋抑之肝脾鬱怒者用加味歸脾逍遙二藥兼服

腎肝虛弱者用六味地黄丸 一婦人經閉八月壯  
腹漸大面色或青或黃用胎證之藥不應余診視之  
曰面青脉澹寒熱往來肝經血病也面黃腹大少食  
體倦脾經血病也此鬱怒傷脾肝之證非胎也不信  
仍用治胎散之類不驗余用加味歸脾道遙二藥各  
二十餘劑諸證稍愈彼欲速効別服通經丸一服下  
血昏憤自汗惡寒手足俱冷嘔吐不食余用人參炮  
薑二劑漸愈又用十全大補五十餘劑而安

雄黃丸 治妊娠是鬼胎致腹中黑血散下腹痛

雄黃 細研 鬼田 去毛 莽草

丹砂 細研 巴豆 去皮 懶肝 去心

蜥蜴 壹枚 蜈蚣 壹條

右為細末蜜丸如梧子大空心溫酒下貳九日兩  
服後當利如不利加至叁丸初下清水次下蟲如  
馬尾狀無數病極者下蛇蟲或如蝦蟇卵雞子或  
如白膏或如豆汁其病即除  
治婦人鬼胎及血氣不可忍方

蟹螯 去頭足 延胡索 炒各

右為細末再研如麵溫酒調服半錢胎下為度  
治婦人虛羸有鬼胎癥塊經候不通以芫花根兩劑

治前鬼胎 女科四 百九 見三

炒令黃色為細末桃仁煎湯調下壹錢當下惡物  
補遺治婦人鬼胎如抱一甕

吳茱萸

川芎

秦艽

柴胡

殭蠶

巴戟

巴豆

不去油

芫花

醋煮貳兩

右為末煉蜜丸梧子大每服柒丸蜜酒下即出惡  
物而愈

右方俱犯毒藥不可輕用姑以古方存之耳

臨產坐草法

脈訣欲產之婦脈離經沉細而滑也同名夜半覺痛

應分誕來日日午定知生引脈經曰夜半覺痛

者不產也又云其脈離經夜半覺痛  
常也謂離其常處為離經假如孕婦昨日則生也但離經  
為男之脈今日或脈浮是離其尋常之脈而異於昨  
日又且腹痛知是將誕也通真子引難經一而呼三至  
曰離經為解李晞范又引難經言損至二至雖同名離經以  
解沉細而滑皆非也難經言損至二至雖同名離經以  
其脈與理則不同且脈訣因其言脈浮又添沉細而滑  
引援難經之文合脈訣因男女其言脈浮又添沉細而滑  
同名離經蓋以前所診男女其言脈浮又添沉細而滑  
脈浮為離經若平常所見浮大為女之脈安辨離經故  
又增沉細而滑以見離經為浮大為女之脈安辨離經故  
惠方云夜半時覺腹痛來日午時必定生產謂子  
午相衝正半日時數也通真子曰夜半痛未產也若腹痛連  
言恐未為的又曰腹痛而腰不痛未產也若腹痛連

腰痠甚者即產所以然者腎繫於腰胞繫於腎故也診其尺脈轉急如切繩轉珠者即產也生產有難易痛來有緊慢安可定以半日當以活法

身重體熱寒又頻舌下之脈黑復青反舌上冷子當

死腹中須遣母歸冥而赤舌青細尋看母活子死定

應難唇口俱青沫又出母子俱死總教折面青舌赤

沫出頻母死子活定知真不信若能看應驗尋之賢

哲不虛陳脈指南作面青舌赤蓋面以候母舌以候子今云子活合以舌赤為是若云舌青則

與前而赤舌青母活子死之候相反若胎先下其子得活如木下子母俱亡○自身重體熱寒又頻至此並不用脈只以外候參訣子母生死蓋以臨產脈不可定但當以察色而知之

湯子建十產論

一曰正產者婦人懷胎十月滿足忽腰腹作陣疼痛

相次胎氣頓陷至於臍腹痛極乃至腰間重痛穀道

挺進繼之漿破血出兒子遂生名曰正產

二曰傷產者蓋一人之生陰注湯定各有時日不可

改移今有未產一月已前忽然臍腹疼痛有如欲產

仍却無事是名試月非正產也但一切產母未有正

產之候即不可令人抱腰產母亦不可妄亂用力蓋

欲產之婦臍腹疼痛兒身未順收生之婦却教產母

虛亂用力兒身纔方轉動却被產母用力一逼使兒

錯路忽橫忽倒不能正生皆緣產母用力未當之所

致也凡產母用力須待兒子順身臨逼門戶方始用力一迭令兒下生此方是產母之用力當也若未有正產之候而用力傷早并妄服藥餌令兒下生譬如掘苗而助長無益而有害矣此名傷產

**要**右傷產一法最爲切要慎勿輕忽也凡十月未足臨產腹痛或作或止或痛不甚者名曰弄痛非正產之候或腹雖痛甚而腰不甚者非正產之候胎高未陷下者非正產之候穀道未挺逆者非正產之候水漿未破血未出者非正產之候漿血雖出而腹不痛者非正產之候凡未有正產候且令扶行熟忍如行不得或凭物坐之或安卧之或服安胎藥一二服得安卽止慎勿妄服催生藥餌惶惶致令產母憂恐而挫其志務要產母寬心存養調停亦令坐婆先說解諭之如覺心中煩悶可取白蜜壹匙新汲水調下切勿妄亂用力先因其母直待子逼門戶腰重痛極眼中如火穀道挺逆時是正產候方可用力并服催生藥也予男婦於未產一月已前腰腹俱痛全似將產其痛至甚但遇已牌稍止如此者將十餘日計無所出因閱此條遂與安胎藥加參朮數服間與肉味養之由是平

復不痛又二十餘日始產一男是時若妄動亂用力并服催生等藥立見危亡矣

二曰催產者言婦人欲產漿破血下臍腹作陣疼痛極甚腰重穀道挺逆已見是正產之候但兒却未生即可服藥以催之或有經及數日產母困苦已分明見得是正產之候但兒子難生亦可服藥以助產母之正氣令兒速得下生此名催產

四曰凍產者冬月天冷產母經血得冷則凝以致兒子不能生下此害最深若冬月產者下部不可脫去綿衣并不可坐卧寒處當滿房著火常有煖氣令產母背身向火令臍下腿膝間常煖血得熱則流散使兒易生此名凍產

薛荆婦孟冬分娩艱難勞傷元氣產子已死用油紙燃燒斷臍帶藉其氣以暖之俄頃忽作聲此兒後無傷食作瀉之證可見前法之功不誣

五曰熱產者盛夏之月產婦要溫涼得所不可恣意取涼傷損胎氣亦不可人多熱氣逼襲產母使產母血沸而有發熱頭痛面赤昏昏如醉乃至不知人事

此名熱產若夏月風涼陰雨亦不可任意取涼恐生大病  
六曰橫產者兒先露手或先露臂此由產母未當用

力而用之過也兒身未順用力一逼遂至身橫不能  
生下當令產母安然仰卧後令看生之人先推其手  
令入直上漸漸逼身以中指摩其肩推上而正之或  
以指攀其耳而正之須是產母仰卧然後推兒直上  
徐徐正之候其身正煎催生藥一盞吃了方可用力  
令兒下生此名橫產

七曰倒產者產母胎氣不足關鍵不牢用力太早致  
令兒子不能迴轉便直下先露其足當令產母仰卧  
令看生之人推其足入去不可令產母用分毫力亦  
不得驚恐使兒自順云

蛇蛻散 治妊婦欲產時不肯伸舒行動多 腰眠

卧忍痛兒在腹中不能得轉故脚先出謂之逆生

須臾不救母子俱亡

用烏蛇蛻壹條蟬蛻拾肆枚血餘壹握用胎髮並燒灰存性

研分二服温酒調連進之仰卧少頃或用小絹針

於兒脚心刺三五刺用鹽少許塗刺處即時順生

母子俱活 又法以鹽塗兒足底又可瓜甲搔之

并以鹽摩母腹上 又以手中指取鍋底墨交盡

兒足下卽順生 又方取其父名書兒足下卽順

生 若孕婦橫生不可出者以車前子爲末酒服



貳錢七 又方鬼絲子為末酒調服壹錢七米飲

調亦得 又以百草霜香白芷不見火用童便與

好醋各壹合調成膏沸湯浸服甚者二服即生

若婦人橫逆難產子死腹中先用黑豆壹大合炒

熟水與童便合煎服神效 又方用艾葉半斤酒

肆升煮取壹升服之 又以當歸為末酒服方寸

匕紫蘇湯調服亦可

八曰偏產者兒身未正產母用力一逼致令兒頭偏

柱左腿或偏柱右腿故語以難露偏柱一畔不能生下

當令產母仰卧次令看生之人輕輕推兒近上以手

正其頭令兒頭頂端正然後令產母用力一送即便

生下若是小兒頭後骨偏柱穀道只露其額當令看

生之人以綿衣炙溫裹手於穀道外方輕輕推兒頭

令正便令產母用力送兒生也此名偏產

九曰礙產者兒身已順而露正頂不能生下蓋因兒

身回轉肚帶攀其肩以此露正頂而不能生當令產

母仰卧令看生之人輕推兒近上徐徐引手以中指

按兒肩下撥其肚帶仍須候兒身正順方令產母用

力一送使兒生下此名礙產

右橫產倒產偏產礙產四法若看生之人非精良

妙手不可依用此法恐恣其愚以傷人命也按倒  
產者今世往往隨其倒足生下並無後患子母雙  
全不必依推足上之法亦可又礙產者往往肚帶  
有纏在兒頂上而兒頭自出在產門外看生之人  
以手撥其肚帶從兒頭頂過而下之者又有肚帶  
纏在頂上一匝而兒與胞衣自然同下者皆無妨  
不必以此礙產法入產門撥下也

十曰坐產者兒將欲生其母疲倦久坐椅褥抵其生  
路急於高處繫一手巾令牽屣以手攀之輕輕屈足  
坐身令兒生下非坐在物上也此名坐產

十一曰盤腸產者臨產母腸先出然後兒生趙都運  
恭人每產則大腸先出然後產子產後其腸不收甚  
以爲苦醫不能療偶在建昌得坐婆一法而收之其  
法以醋半盞新汲水柒分調停喫產母面每喫一縮  
三喫收盡此良法也

按前證古方以蓖麻子仁四十九粒研塗產母頭  
頂腸收上急洗去其腸若乾以磨刀水少許濕潤  
之內用磁石煎湯飲之卽收土磁石須陰陽家用  
有驗者若以水喫母面恐驚則氣散

丹產後腸不收香油五斤煎熱盛盆中候溫坐油盆

中約一食時以皂角末吹入鼻中嚏作立上妙門

大半夏為末搐鼻中則腸上矣 又方以大紙撚蘸

香油點燈吹滅以烟薰產母鼻中腸即上矣

又方 腸出盛以潔淨漆器濃煎黃芪湯浸之腸即

上

薛欲產之時覺腹內轉動即當正身仰卧待兒轉身

向下時作痛試捏產母手中指中節或本節跳動方

與臨盆即產矣若初覺不仰卧以待轉胞或未產而

水頻下此胞衣已破血水先乾必有逆生難產之患

若胎衣破而不得分娩者保生無憂散以固其血自

然生息如血已耗損用八味湯料壹斤益母草壹斤

水數碗煎熟不時飲之亦有得生者凡孕婦只宜

未產也若連腰痛甚者將產也蓋腎候於腰胞繫於

腎故也凡孕家宜預請有仁心知事穩婆常以恩結

其心先與說知倘有生息不順只說未產或遇雙胎

只說胎衣未下恐驚則氣散愈難生息余家親驗之

大抵難產多患於鬱悶安佚富貴之家治法雖云胎

前清氣產後補血不可專執若脾胃不實氣血不充

宜預調補不然臨產必有患難 如因難產或大寒

時急以大油紙撚徐徐燒斷其臍帶雖兒已死令煖

臨產坐草法

胎前 產後 婦科 氣入腹多得復生切勿用刀斷之

催生法

大凡生產自有時候未見時候切不可強服催生  
滑胎等藥或勢不得已則服之又云切不可坐早及  
令坐婆亂動手凡催生藥必候腰痛甚胎陷下紫血被方可服大法滑以  
流通澁滯 苦以驅逐閉塞 香以開敷逐血 氣  
滯者行氣 胞漿先破疲困者固血 丹溪云催生  
只用佛手散最穩當又効捷方見胎產大法

**滑劑** 催生如聖散 黃蜀葵子小半合一研爛以酒

瀉去滓温服神妙或漏血胎乾難產痛極者并進  
三服良久腹中氣寬胎滑即產須見正產候方可

服之歌曰黃葵子炒七十粒 細研酒調濟君急

若遇臨危產難時 免得全家俱哭泣

又方以香油白蜜小便和勻各半盞調益母草末服

一方止用油蜜小便能下難產

又方 治橫倒生者

明阿膠炒 滑石末各壹兩 葵子貳兩

右水壹盞半煎至壹盞去滓分二服

治難產五六日不得分娩者疲困虛乏光明水膠貳

兩微火焙好酒壹升半煎滾入膠候烱再入新鷄子

壹枚鹽壹錢匕攪勻放溫令產母坐椅上伸腰大口

作二次服覺小便重即生緣坐草早驚動故也

**催生柞木飲子** 治產難或橫或倒死胎爛脹

腹中此方屢用神効

大柞木枝大握長壹尺洗淨寸剉生用 甘艸大者伍寸剉作伍段

右用新汲水叁升半同入新磁瓶內以紙三重封

緊文武火煎至壹升半令香候產婦腰重痛欲坐

草時溫飲壹小盞重者末重痛勿服便覺心下開豁如覺渴

再飲一盞至三四盞覺下重便生此方最驗

**梅**治難產碍胎在腹中如已見兒胎衣不出或胎死

者茨藜子貝母各四兩為末米飲下壹匙如人行

四五里許不下再服

按苦能下氣柞木蒺藜貝母則又不專於苦要之亦有利竅行血之功茲特因婁氏所編而列之耳

**香劑乳珠丹**

用通明乳香研細以豬心血為丸梧子大朱砂為衣日乾每服壹粒催生冷酒化下良久未下再服壹粒若大段難產以蓮葉心帶柴水貳盞煎至壹盞放溫化下壹粒良久未下再服其驗如神如胎下胞衣不下者服此便下若胎橫逆不順即先服神應黑散再服此藥催之合藥時要五月五日

午時極妙或七月七日三月三日及初上辰日亦可

又方 通明乳香如皂角子大為末腰痛時用新汲水一

小盞入醋少許同煎令產母兩手提兩石燕坐婆調藥飲水須臾坐草便生無痛楚神良

開骨膏五月五日午時作

乳香研細滴水丸如芡實大每服壹粒無灰酒吞下

又方 乳香 朱砂等為細末麝香酒調下

催生丹 治產婦生理不順產育艱難或橫或逆

十二月兔腦髓去皮膜 研如泥

乳香貳錢 另研

母丁香壹錢 細末

麝香另研 壹字

右三味拌勻以免腦髓和丸雞頭實大陰乾油帛裹每服壹丸溫湯下即產兒握藥出

如意散 臨產腰疼方可服之

人參為末

乳香各壹錢

朱砂貳錢

右同研臨產急用雞子清壹個調藥末再用生薑自然汁調開冷服如橫倒等即時端順子母無恙勝金散 郭稽中云產難者因兒轉身將兒枕血塊破碎與胞中敗血壅滯兒身不能便利是以難產

急服勝金散消散其血使兒自易生陳無擇云多因兒未轉順坐艸太早或努力太過以致胞衣破而血水乾產路澁而兒難下宜先服催生如神散以固其血設或逆生橫產當用前法針刺之

麝香壹錢 研

鹽豉壹兩以青布裹 了燒紅急研細

右取秤錘燒赤焯酒中以酒調服壹錢

**行氣**催生湯 治妊娠欲產痛陣尚踈難產經三兩

日不生胎死腹中或產母氣乏委頓產道乾澁纔覺痛密破水後便可服

蒼朮貳兩米泔浸 洗剉炒黃

小厚枳殼去穰 數炒

白桔梗

薄陳皮 去白

楊芍藥

川白芷

大川芎

大當歸 去尾各壹兩

交趾桂 去麤皮不見火

半夏 湯洗

粉草

麻黃 去節

軍薑 去皮

厚朴 去麤皮剉薑汁炒

南木香 不見火

杏仁 去皮尖另研

白茯苓 各伍錢

右為末每服貳錢順流水溫暖調下若覺執悶白蜜湯下或剉散入真米醋壹合煎方內用楊芍藥肉桂能開通子宮其餘藥皆助氣之盛關竅自通麻黃內通陽氣陽氣盛則血行血行即產矣外却寒邪去積聚皆得其宜寒月用之甚確隆暑不宜

輕服但以五苓散用葵子燈心煎湯調下卻暑清魂滑胎易產胞漿先破則胎乾難產用白蜜清油侵以熱酒令得所頓服胎氣既潤即分挽矣

難產 縮砂 香附 醋炒 枳殼 甘草 滑石 右為末白湯調服

**行血** 本草主難產搗益母草取汁柴大合煎減半頓服立產 無新者以乾者壹大握水柴合煮服

**丹** 易產天麻丸 天麻 即益母草六月間帶根花葉採晒乾不以多少 為末 煉蜜丸龍眼大臨產熟水嚼壹丸能除產後百病

佛手散 方及加減法見胎產大法



如聖散 專治孕婦難產

紫蘇葉

當歸 各等分

右咬咀每服參伍錢用長流水煎服如無流水以水順攪動煎服即下 又方取本夫襯帶五寸燒存性酒調服下 又方取槐樹東枝令產婦把之易產 又方用紫蘇煎湯調益元散服之即產

無憂散 治胎肥氣逆臨產難產

當歸 去蘆酒浸

川芎

木香 不見火

白芍藥

枳殼 去白鹽炒

甘艸 炙各壹錢半

乳香 另研

血餘 燒存性另研各半錢

右作一服水貳鍾煎至壹鍾入乳香血餘和勻不拘時服

**固血**

治胞漿先破惡水來多胎乾不得下時須先與四物湯補養血氣次更濃煎蔥湯放冷令坐婆洗產戶須是欵曲洗令氣上下通暢更用酥調滑石末塗產戶裏次服神妙乳珠丹或葵子如聖散 催生如聖散 治逆產橫生瘦胎

百草霜

香白芷 不見火為末

右二味等分研勻每服貳大錢於臨產時以童便并少米醋打為膏沸湯調下集驗用酒童便各半

蓋同煎纔沸卽熱服不過再服卽產丹溪用芎歸湯調血血得

黑則止此藥大能固血免得乾生

婦人臨產累日氣盡不能生兼惡露出盡胞乾終不產者用赤小豆壹斗水攷升煮令熟去荳滓以阿膠參兩入豆汁溶化每服止半盞未產再服卽出

**破血**半夏湯 治胎乾而不能產

半夏壹兩 大黃伍錢 肉桂柒錢

桃仁叁拾枚

右爲粗末先服四物湯一二服次服半夏湯薑參片水煎 又方當歸爲末酒調方寸匕服之

七聖散 臨產腰疼方服

延胡索 沒藥 白礬

白芷 薑黃 當歸

桂心 各等分

右爲末臨產陣痛時燒鋒刃鐵頭卽犁令通赤滓酒

調下叁錢服一兩盃立產

勝金散 治難產逐敗血卽自生若橫逆則轉正子

死腹中則胎軟膨寬卽產祖宗秘傳千金不授

王不留行 酸漿艸死胎倍用 菟蔚子

白蒺藜去刺 五靈脂行血宜生用各等分

右為散每服參錢取利方水壹盞半入白花劉寄奴子壹撮同煎溫服大効

**取**如聖膏 治產難併治胞衣不下兼治死胎

草麻子柴去殼細研成膏塗脚心胞即下速洗去

不洗腸出却用此膏塗頂上腸自縮入一方草麻子百粒雄

黃壹錢細研用如法

催生萬金不傳遇仙丹

草麻子拾肆粒去殼硃砂研雄黃研各壹錢半

蛇蛻壹尺燒存性一方草麻子叁粒

右為末漿水飯和丸如彈子大臨產時先用椒湯

淋溲臍下次安藥壹丸於臍中用蠟紙數重覆止

闊帛束之頭生下急取去藥一丸可用三次

三麻四豆脫衣裳研碎將來入麝香若有婦人遭產

難貼在臍中兩分張用草麻子叁粒巴豆肆粒去殼入麝研細貼臍中

立聖丹 治產難危急者

寒水石肆兩貳兩生用貳兩煨赤右同研細入朱砂同研如

深棗花色每用叁分井花水調如薄糊以紙花剪

如杏葉大攤上貼臍心候乾再易不過三上便產

橫逆惡候死胎不下並治神驗寒水石非方解石即今人謂軟石膏

是也此方異人所傳妙

**雜方** 圖經云令產婦兩手各握石燕壹枚須臾子下

救產難經日不生雲母粉半兩温酒調服入口即產

萬不失一陸氏云已救三五百人效 治橫逆產理不順用伏龍

肝細研每服壹錢酒調服其土從兒頭上戴出妙

**世如神散** 治催生累效靈妙之理人所難通用實

殊效 臨產時令人路上尋破草鞋壹隻取耳燒

灰温酒調下叁錢七得左足者男右足者女覆者

死側者有驚果是神奇用此送催生丸尤妙

勝金丹 治難產神妙敗兎毫筆頭壹枚燒灰研細

搗生藕汁壹盞下之若產母虛弱及素有冷疾者

恐藕冷動氣即於重湯內煖過服立產

**針灸** 東婦人將產預先胎破惡水長流坐草早無血

可養枯竭 獨陰伍分在足小指第三節間 承陰壹寸伍分

玉催生難產及死胎 太衝捌分補百息 合谷補 三

陰交五分瀉立時分解 足小指節多此壯心術 產子上衝

逼心 巨闕令正坐用抱頭抱腰微偃針入陸分留七呼得氣即瀉立甦如子胸母心生下

向後枕骨有痕是其驗也神効 合谷叁分留三寸

三陰交五分瀉寸吸

張仲文 橫產難產 右脚小指尖頭灸叁壯立產

集又法 獨陰同上法取灸 合谷補 三陰交瀉

桑難產 三陰交

淳于意治菑川王美人懷子而不乳召臣意往  
 飲以葭藶藥一撮以酒飲之旋乳意復診其脉而脉  
 躁躁者有餘病即飲以消石一劑出血血如豆比五  
 六枚 滑伯仁治一婦難產七日而不乳且食甚少  
 伯仁視之以涼粥一盂搗楓藥煎湯調啖之旋乳或  
 詰其理滑曰此婦食甚少未有無穀氣而生者夫楓  
 葉先生先落後生後落故以作湯飲也 龐安常治  
 一婦產七日而子不下百治不効龐視之令其家人  
 以湯温其腰腹自為上下拊摩孕者覺腸胃微痛呻

吟間生一男其家驚喜而不知所以龐曰兒已出胞  
 但一手誤執母腸不能脫非符藥所能為吾隔腹捫  
 兒手所在針其虎口痛即縮手所以遽生無他術也  
 取兒視之右手虎口針痕存焉 一婦累日產不下  
 服催生藥不効龐曰此必坐草太早心下懷懼氣結  
 而不行非不順也素問云恐則氣下盖恐則精神怯  
 怯則上焦閉閉則氣逆逆則下焦脹氣乃不行矣以  
 紫蘇飲一服便產及治婦人子懸證紫蘇飲見胎上逼心 吳  
 芩山治產難三日不下服破血行經之藥俱罔  
 効吳因製一方以車前子為君冬葵子為臣白芷枳

穀為佐使已服午產衆醫異之吳曰本草謂催生以此為君毛詩採芣苢以防產難是也 劉復真遇府判女產不利已斂劉取紅花濃煎扶女于凳上以綿帛蘸湯盪之連以燒帛上以器盛水又煖又淋久而甦醒遂生男子蓋遇嚴冬血冷凝滯不行溫即產見亦神矣哉 一醫宿客店值店婦產數日不下下體已冷無藥甚窘以椒橙茱萸等煎湯可下手則和臍腹人門處皆淋洗之氣溫血行遂產

**交骨不開** 薛交骨不開產門不開皆由元氣素弱胎前失於調攝以致血氣不能運達而然也交骨不開

陰氣虛也用加味芩歸湯補中血氣湯產門不開氣血虛也用十全大補湯 地官李孟卿娶三十五歲女為繼室妊娠慮其產難索加味芩歸湯四貼備用至期果產門不開止服一貼頓然分娩 上舍費懷德之室產門不開兩日未生服別藥一劑即時而產 上舍傳此方用之者無有不驗 一婦人分娩最易至四十妊娠下血甚多產門不開與前湯一劑又以無憂散斤許煎熟時時飲之以助其血而產 加味芩歸湯 主交骨不開不能生產

川芎

當歸

各壹兩

自死龜板

壹枚 酥炙

婦人頭髮

生男女多者壹握燒存性

右為散每服伍錢水煎服約人行五里即生如胎死亦下灼過龜板亦可

下死胎法

產難子死腹中者多因驚動太早或觸犯禁忌致令產難胞漿已破無血養胎枯涸而死故也須驗產母舌若青黑其胎死矣當下之 大法寒者熱以行之 熱者涼以行之 燥者滑以潤之 危急者毒藥下之

**烏金散**

治難產熱病胎死腹中或因顛仆或

從高墜下或房室驚搖或臨產驚動太早觸犯禁忌或產時未到經血先下惡露已盡致胎乾子死身冷不能自出但視產婦面赤舌青是其候也面

青古赤母死子活唇青吐沫子母俱斃又有雙胎  
或一死一活其候難知臨時觀變可也

熟地黄

洗切焙乾酒炒

真蒲黃

大當歸

交趾桂

楊芍藥

軍薑

去皮

粉草

各壹兩

小黑豆

肆兩

百草霜

伍錢

右為末每用貳錢米醋半合許沸湯六七分浸起  
溫服疑貳之際且進佛手散酒水合煎二三服探  
之若未死子母俱安若胎已死立便逐下的知其  
胎死進此藥後更進香桂散須臾如手推下常用  
催生更加好滑石末半兩葵子五十粒槌碎黃柞  
葉七八皮葱白二寸順流水煎湯調下蓋滑石能  
利小便柞葉行氣逐血葱白內通陽氣氣盛血行  
即產矣

大全下死胎方

桂枝

貳錢

麝香當門子

壹兩

同研煖酒

服須臾如手推下

一各桂香散

此藥比之用水銀等

不損血氣

補和叔傳

一方單用桂末壹錢痛時童便

調下名救苦散

一穩婆之女勤苦負重妊娠腹中陰冷重墜口中甚  
穢余意其胎必死令視其舌果青黑與朴硝半兩許  
服之隨下穢水而愈 一婦胎死服朴硝而下穢水



胎前 女科四  
肢體倦怠氣息奄奄用四君為主佐以四物薑桂調  
補而愈

**聖劑** 治妊娠三五月胎死在腹內不出

大腹子

赤芍藥

榆白皮

各叁兩

當歸 壹兩 炒

滑石末 柒錢 半

瞿麥

葵子 炒

茯苓

粉草

子芩 各半 兩

右為粗末每服肆錢水壹盞煎至柒分去滓不拘  
時溫服

鄧知縣傳療死胎不出朴硝半兩研細以溫童便調  
服屢効

治死胎不下指甲青舌黑口脹悶口中作屎臭先以平  
胃散一貼作兩服每服酒水各一盞煎至一盞却  
投朴硝末半兩再煎三五沸溫服其胎化血水下  
本治子死腹中不出用辰砂一兩水煮四五沸末之

然後取酒調服立出

外療子死腹中真珠二兩為末酒調服立出

**滑劑** 千金治小兒死腹中葵子末酒服方寸匕若口

噤不開格口灌之藥下即活 療妊娠胎死腹中  
或母疾欲下胎榆白皮煮汁服二升

大治子死腹中或半生不下或半着脊骨在草不產  
血氣上盪母心面無顏色氣欲絕

緒脂 一斤

白蜜 一升

淳酒 二升

右三味合煎取二升分温二服不能飲隨所能服  
之

一字神散 治子死胎不下胞破不生此方屢  
効救人無量

鬼臼

黃色者不以多少去毛碾為末  
極細如粉不用羅以手指撚之

右每服二錢用無灰酒一盞同煎至八分通口服  
立効如神

世治生產不順胎死腹中胞衣不下臨產危急  
妙

蛇退

一條全者香  
虫燈上燒研

麝香 少許

右為末童便酒各半盞調一服即生効

楊氏療有孕月數未足子死腹中母欲悶絕取大豆  
一方 三升醋煮濃汁三升頓服立効

本事治妊娠熱病胎死腹中鹿角屑一兩水一盞葱

五莖豆豉半合同煎至陸分去滓温分二服

又方 取死胎 烏雞一隻去尾細切以水三升煮

取二升去雞通手用衣帛蘸摩臍下胎自出

女科證治準繩卷之四

明前

女科

卷之四

女科證治準繩卷之四

